

اِسْتِغْنَا

۴ تشرین اول ۱۳۲۴

جمعه ایرتسی

نومرو ۵

نه قدر عالی اولسه بيله دائرة قضاسنده محاکمه وضعيد ايده مامسی ، و مصالح عدليه نك تنسيقنه ، تکميلنه متداثر تدقیقاتی اوراق اوزرنده اجرا ايله مامسی جهتلی بيله . مشاهده اولنان محدودیت مقیدیت قضایه بناء ظن اولنورکه امهال محکمه تمیزک صلاحیتی داخلنده دکلدر . و اويله اولمق ایجاب ایدر .

عبدالخالق مدحت

- مابعدی وار -

معاهدات

هود عتیقه مزك تاريخی

۴

قرون و سطاذه اوروپا دولترینك جمله سی فیه تودالیتیه یعنی دره بکلك اصولی اوزره غایت مختلف و متفرق اداره لرده بولنش و مرکز حکومت هیچ بر یرده لایق بیه کسب اهمیت ایده مامش اولدیغندن محاربات دولیه همان مفقود ایدی . غیرت دینیه ایله ایدیلان اهل صلیب سفرلری ؛ حقوق حکمدارینك تأییدی ایچون آلمان ایمپراطورلرک ایتالیا سفرلری و «سوزرن» ایله «واسال» یعنی تابع ایله مبتوع منازعه لرینك بیوک بر مقیاسده اجرا سندن عبارت اولان یوز سنه محاربه سی استنا ایدیلیرسه قرون متوسطه ده ملتله ارسنده مهم بر محاربه کورلمز ، یالکتر دره بککر ارسنده منازعات و مناقشات داخلیه متعادییه تصادف اولنور . قرون وسطانك بوحالنه مقابل قرون جدیدده محاربات دولیه نك ظهوری احوالك ایجاب اتدن ایدی . باروت دیدیکمز ترکیب اوروپاده طاینیر طانماز بونك قرالار طرفندن انحصار صورتیه اعمالی تحت تأمیننه الهرق طوپلرده استعمالی سایه سنده شاطوری یقیلوب دره بککر پریشان ایدلمش و امنیت و راحت ممالک اعاده اولونجه داخلده مشغولیتلری قلمیان حکمدارلرک نظرلری خارجه منعطف اولمش در . دره بککرک اصولی ابتدا فرانسه ده منتظماً یرلشدیکی کبی او اصولدن ایلك اول قوربتیلان دخی فرانسه اولمشدر .

بالاده سوېلديكمز وجه ايله صوك اهل صليب مهاجمانك مرتبي اولان فرانسه قرالى «سن لوى» نك برادري «شارل دانزو» پاپانك وساطتيله ناپولى قرالغنى ضبط ايتمش ايدى . فقط اداره سزلكدن بېزار اولان ناپولى اهاليلى طرفندن مملكتدن چىقارلمش ايدى . بر مدت صكره آراغونيه قرالى بشنجى آلفونس دى ناپولى شارلك طورونى لندن المشيدى . فرانسه قرالى سكرنجى شارل ناپولى آراغونيه ليلردن آلفه قيام ايتمشدر .

شارلك مقصدى مجرد ناپولينك فتحى دكلى . پدرى اون برنجى لوسيدن يعنى امور اداره دن اوزاق قالب لايقيه تربيه وتحصيل كورمه ديكى ايچون ذهنى شواليه افسانه ليله طولش و حكايه لرده كورديكى قهرمانلر كركات موهومه لرني تقليد سوداسنه دوشمش اولديغندن قولاي و يارلاق مظفر يتلرله شهرت قزانش وكويا خرسيتيانلق اوغورنده اشبهات عظيمه ايله عالمك حيرت و تحسینی جلب ايتك امليله ايتالياني ضبط ايتدكدن صوكره اوطرانت قتالنى انشا ايدمه چكى مكمل بر دونما ايله كچوب وموره طرفلرنده روملرى آياقلاندروب ممالك عثمانيه يي باشدن باشه تسخير ولاتين امپراطورلغنى قدس قرالغنى اعاده ايدمه چكى ايدى . شارلك ايتاليابه كچمى اوزرينه اوروپا موازنه دوليه سى مسأله سى اورطه به چيقوب علمنه انكاته و آلمانيا و اسپانيا حكمدارلرى طرفندن اتفاق عقد اولنديغندن شارل تايمين موفقيت ايدمه كمزين فرانسه به عودت و برازمدت صوكره وفات ايتمشدر . خلفى اون ايكنجى لويى نك دوام ايلديكى ايتاليا محاربانى (ميلاد ۱۴۹۴ - ۱۵۱۶) ينه فرانسه علمنه دونمشدر . اون ايكنجى لويى نك يرينه سجن برنجى فرانسوا اسكى تجربه لر باقيه رق بو محاربه لر تكرر باشلامش و « مارينان » ده وقوع بولان محاربه عظيمه ده (Bataille des Géants) سوچمه كوكليدرينه غلبه ايدرك ميلان قطعه سنى استرداد ايتمشدر . برنجى فرانسوا احتياطكار و اداره امورده ماهر برحكمدار دكلى . آتجق صوك درجه به واران شان و شهرت حرصى جسارت قطريه سنى تقويه ايلمش اولديغندن مارينانده فوق العاده شجاعت كوسترمش و فرانسه شواليه لر ينك رئيسى اولان متهور « بيار » طرفندن شواليه

اعلان اولمشدر. بوندن آكلاشيليوركه فرانسه اوزمانلر استيلا دورلرینه مختص اولان احوال اينچنده بولنوب شوالیهك من جهة حكمدارلقدن يوكسك برصنف ایدی. میلان دو قلغنك فرانسوا الله كچمسيله برابر ایتالیانك استقلالی تهلكده قالمشدر. فرانسواك اریوچر دلیله عقد ایلدیكى صلح مؤبد (La Paix perpetuelle) موجبجه فرانسه قرالاری فیما بعد اسیوچر دن استدکاری قدر کوکالی عسکر چیقاره بيله جککاری و فرانسه بسقپوسلری دخی پایالق ایله عینی زمانده عقد اولنان concordat احکامنجه طوغریدن طوغری به قراله تابع اوله جقلردی.

فرانسوا مظلراً و مغروراً غربی آوروپاده حکمران اولنی تخیل ایلر کن قارشوسنه بشنجی شارل (شارل کن) حیقورمشدر.

بورغونیدا دو قسلی جمسور شارلک قزی «ماری» اون برنجی لوئی طرفندن ملککنک بر قسلی ضبط اولندیغی وقت المانیا ایمراطوری و اوستریا حکمداری اوچنجی فرهدریقک حمایه سنه النجا ایتشیدی. فرهدریق «ماری» بی اوغلی و ولی عهدی «ماقسیمیلان»ه تزویج ایلمش اولدیغندن اشبو ازدواجدن حاصل اولان «کوزل فیلیپ» پدر ایله والده سنه توارث ایده جکدی. — دیگر طرفندن آراغونیه و «ناوار» قرالی «فردینان قاتولیک» قاستیلیه قرالیچسی ایزابلای بی زوج ایدرک اسپانیایی برلشدرمش ایدی. فردینان ایله ایزابلایالکر مجنون لقبيله معروف اولان «ژان» اسمنده بر قزدن بشقه اولاد بر اقامشلردی. ژان دخی ذکر ایتدیکنز قرالقلر ایله آمریکا قطعه سنی ارث طریقیله الماش و ایمراطور فرهدریقک اوغلی کوزل فیلیپی قوجه لقه قبول ایدرک شوازدواجدن «دون قارلوس» نامی آلان بر چوجق دنیا به کلشدرکه بشنجی شارل بودر و پدر و والده سنک میراثلریغی نفسنده جمع ایلمشدر. یعنی شارل کن والده سی «ژان» واسطه سیه بیوک پدری فردینان قاتولیک ایله زوجه سی ایزابلانک حکمران اولمش اولدقلری قاستیلیه. آراغونیه قرالقلرینه یعنی پورتسکیزلرک اوزمان دخی شمعدیکی وسعتده اولان ممالکی استتنا ایدیلرسه «ایریا» شبه جزیره سنک (اسپانیا قطعه سنک) تمامه و اسپانیوللرک آمریقادا ایدیئمش اولدقلری کافه ممالکه

وایتالیاده ناپولی قرالئی دینلوب ایتالیا شبه جزیرمنك نصف جنوبیسی ایله
سیجلیا آطهسنی احاطه ایدن حکومتی (سیجلیاتین) ؛ وپدری کوزل فلیپ
توسطیله دخی جدی ماقسیمیلانه انك پدری اوچنچی قره دریقندن موروث آوستریا
و آلمانیا حکومتلری ایله بورغوندییه و بلجیقا و فلمنك قطعه لرینه حمایت منفردیه
موقعنده بولنورمشدیر .

شارل اسپانیاده جلوس ایتدکن صوکره مقدس روما ایمپراطورلنی تاجنه
دخی بالانتخاب نائل اوله رق جهات وراثتی هر طرفه تحقیق ایلمشدیر .
شارل رسماً جلوس ایچون اسپانیاه کلدیکی وقت متکبران اطوار و حرکاتیه
اسپانیوللرک و قارینه طوقونمش و فلمنك رجالنی ترجیحاً قوللانغه باشلامش
اولسی اوزرینه اختلال چیقمش و فرانسونك امدادلری سایه سنده قوتلری
آرتان ارباب قیام ابتدای امرده شارلک عسکرینی مغلوب و دردست ایده بیلدکاری
«مجنون زان» ی قرالیچه اعلان ایلمش ایهده زادکالك کافی السابق ویرکودن
معفو قلمسنی قبول ایتمیان اهالی انلردن آریله رق قراله عرض صداقت ایتدکارندن
قاریشقلق بر طرف ایدیه بیلمش و نتیجه ده اسپانیا اهالیسی قدیم امتیازلرینك
قسم اعظمی ضایع ایلمشدر . — ایمپراطورلغه انتخاب مسأله سنه کلنجه آلمانیا
و اوستریا ایمپراطوری برنجی ماقسیمیلان وفات ایدنجه اوروپانك اك قوتلی
حکمدارلری اولان اسپانیا قرالی « شارل هابسبورغ » (شارل کن) و فرانسه
قرالی « فرانسوا دورلثان » و انکلتره قرالی سکزنجی هازی تودور آلمانیا
ایمپراطورلنی تاجنی طلب ایتمکده ایدیلر .

مقدس روما ایمپراطورلنی تاجی خیلی وقتدن برو هابسبورغ سلاله سی یندنه
بولندینی جهتله بوسلاله اکا بدرجه یه قدر حق قزانمشیدی . فقط فرانسوا ایله
انکلتره قرالی سکزنجی هازی مقدس روما ایمپراطورلنی تاجی شارله یاخود
برادری فردینانه انتقال ایتدیکی حالده ذاتاً بوزولمش اولان اوروپا موازنه سنك
دها زیاده اختلال اولنه جنی ادعاسیله بو تاجی کندیله ایستتمکده ایدیلر .
بو خصوصه اك زیاده غیرت ایدن فرانسوا ایدی . فرانسوانك آدملری آلمانیایی

طولاشه‌رق رأی صائون آیرلردی . فقط آلمانیا بکلری فرانسوانک اداره‌سندن قورقدقلری ایچون آنی انتخابدن صرف نظر ایلمیشلردر . هازی ایسه غایت خسیس بر آدم اولدیغندن یاره ویره‌مامش و بناً علیه طرفدار قزانه‌مامشدر . بونکله برابر منتخبلر آراسنک اکثریتی ینه شارل قزانه‌میوب ساقسونیا قورفوسی فرده‌ریق احراز ایش ایشده اعتذار واستعفا و شارلک انتخابی توصیه ایلمیشدر . شارل اشته بو صورتله ایمپراطورلغه دخی نائل اولمشدر .

کندیسنه ترجیحاً شارلک انتخابی فرانسوانک کبری ینه بک زیاده طوقومش اولدیغندن قطع نظر ، شو حال اوروپا موازنه‌سنی کرچکدن بوزمشیدی . فرانسوا بر وسیله حرب آریوب کنیدیسی محاربه آچدیغنی حالده شارلک آچه‌جنی آشکار ایدی . زیرا غرب ایمپراطورلغنی نام دیکرله شارلمان دولتی اعاده ایچون یالکز فرانسه یعنی اوسترازیه اکسپک ایدی . بوندن بشقه فرانسه شارلک حکم ایتمکده بولمیشدی مملکتلرک اتحادینی کرکی کبی بوزمقده ایدی . شارل میلان قطعه‌سنی مقدس روما ایمپراطورلغنک اجزاسندن بری اولمق حیثیتله طلب ایتمکده اولدیغنی مثللو نورغونده‌یی دخی بیوک والده‌سنک بکلکلرندن بری اولمق صفتیه طلب ایده‌بیله‌جکدی .

شو سبیلردن طولانی ایکی طرف فوق‌العاده تدارکاته باشلا‌دیله . شارل ممالک جسیمه‌سنده برلشمدن اول طورانق فرانسوا ایچون الزم و بولزوم فرانسواجه محسوس اولدیغندن فقط فرانسوانک التده یاره بولمیشدیغندن یاره تدارک ایچون هیچ برشیدن چکنا‌مامش ، حتی بعض کلیسارده ومدفولرده بولسان آلتون وکوش پارماقلقلری ضبط ایدرک ضرب‌نخانیه و برمش و برنجی دفعه اوله‌رق اسهام چیقاروب دیون دولیه‌یه اساس قویتمیشدر . شو قدر وارکه کبر و غرورینه بو دفعه دخی مغلوب اوله‌رق متفق آرامغه تنزل ایتمدیکی حالده شارل بالعکس انکلتزه قرالی سکرنجی هازی‌یی و ون‌دیک حکومتی و پاپایی کنیدیسیله متفق ایتمکده موفق اولدقدن بشقه فرانسه داخلنده بیله پرنس «قونسه‌تابل‌بوربون» ک اتفاقنی استحصال ایده‌بیلمش ایدی که شو صوکنجی متفق فرانسه ایچون

اك مخاطره لی ایدی. زیرا «قونتابل» بوربون خاندان حکمداریسه منسوب بیوک بر دره یکی ایدی. بیوک دره بکلکاکر اون برنجی لونی طرفدن قالدیرلدینی وقت قرالره اولان قرابتلری حسبیله بوربون دوقه لغنه طوقونلماش ایدی. قونتابل بوربون فرانسه نك انامدار قوماندانلردن ایدی. قونتابل فرانسوانك والدهسی لوئیز صاودن کوردیکی حقارت اوزرینه اهانت ایدرك فرانسوانك بقایى تهلکیه سوقشدر. آنجق بوربون اهلایسی برحقارت شخصیه نك انتقامی دولته اهانتله آلمق ایستیان اقدیلرینه اتباعاً اطاعتسزلك ایتموب قونتابلی آرهلرنده عسکر تحریری ایچون کلدیکی وقت قوغشلردر. اهلینك شوحمیتی فرانسه یی قورتاران ایبابدنر. قونتابل بوربونك فکری بشنجی شارلی سوزرن طایمق سرطیله فرانسه یی ضبط ایتمک ایدی. محاربه ابتدا ایثالیاده باشلامشدر. فرانسوا «قاله» به کش اولان انکلیرله «رن» سواحلنده بولنان آلمانلره ویره نه یی کچمکه حاضرلنان اسپانیوللره قارشو عساکر کافیه سوق ایتمکله مشغول اولوب میلانه وقتیه امداد یئشدرمه دیکندن بوربونك قومانده سی آتنده بولنان ایثالیانلر ایله آلمانلر فرانسولری میلاندن چیقارمشلردر. فرانسوا میلانی استرداد ایله ناپولی اوزرینه یورومش ایسه ده متفقین اردوسی عسکرینی محو وکندیسی سیر ایتمشلردر.

بو ائنده شارل کن مادریده بولندیغی جهتله فرانسوا کندی طلبی اوزرینه اورایه نقل اولندقدنه ملاقاته استحصال ایده بیلهرک استخلاصی تسمیله چالشمش ایسه ده موفق اوله میوب غایت آغیر شرائط صلحیه یی امضا ورهن مقامنده ایکی اوغلنی تسلیم ایتدکن صوکره فرانسه یه داخل اوله بیلمش و معاهده نك حکمسزلكنی اعلان ایلمشدر. فرانسوانك ائنده عسکر اولدیغی حالده حربه قالدیشی وهله اولاده جتندن بشقه بر شیئه حمل اوله ماز. فقط تدقیق اولنورسه شو جرأتمک سببلی کورولور. فرانسوانك اسارتی اوزرینه والدهسی حکومت نامنه اوله رق سلطان سلیمان قانونینک مرحتمه سیغمنش اولمسیله سلطان سلیمان شارلک مالکی جمله سندن اولان بحارستانه سفر ایدرك مظفریت عظیمه قزالمشدر.

« ايشته اول دورده آلمانیا ايمپراطوری فرانسه يی هر طرفدن احاطه و تضيق ايتمکده اولديغندن فرانسه قرالی فرانسوا آنکه لدی الحاربه مغلوب واسير اولدوقده درگاه سليماندن استمداد ايجون طرفندن ۹۳۱ سنه سنده فرستاده مخصوص يعنی اورته ايلچی عنوانيله جوانی فرانچيانی در سعادته کلوب جواباً يازيلان نامه هايون ايله عودت ايلمشیدی ... (۹۳۳) سنه سنده سلطان سليمان حضرتلری اردوی هايون ايله مجارستانه کيرمش و اوچ سنه صوکره و يانه اوزرينه حرکت ايتمش ايسه ده اول آئنده فرانسوا ايله عقد مصالحه ايتمشیدی. - آئدن صوکره دخی فرانسوا ارسال رسل و رسائل ايله استمداد واستعانه دن قالماش ... خيرالدين پاشا طقوز يوز اللی تاريخنده دو نهای هايون ايله فرانسه امدادينه کوندرلش ایدی. مؤخر آينه فرانسه دولتی طرفندن سفیر مخصوص ارساليله استمداد اولنوب سلطان سليمان حضرتلری ايسه اول آئنده شرق سفرنده بولمغله استانبول قائمقامی اولان وزير ثانی ابراهيم پاشا طرفندن ديوان هايونده سفیر مومی اليه اراد اولنان نطق مهمی سلطنت سنيه نك او زمان اقطار غريبه ده جاری اولان نفوذ و سطوتك درجه سنی ميين » در .

قارئلر مزبو نطق رسمينك صورتی « تاريخ جودت » ك برنجی جلد ينك ۳۴۹ نجی صيفه سنده بوله جقلری کبی قبولان دریا پياله بکه تر جان صحراسندن کوندريلان او نامه يی دخی ۳۵۱ نجی صيفه ده اوقويه بيسليرلر . سلطان سليمان قانونينك برنجی فرانسوايه کوندرديکی نامه كرك على الاطلاق تاريخ و كرك عهود عتيقه مزك تاريخی نقطه نظرندن اهميت مخصوصه يی حاز اولديغی جهتله آنك مقدمه دن معاداسنی شورايه درج ايدرز :

« سنكه فرانجه ولايتنك قرالی فراچسقوسن درگاه سلاطين بناهمه يرار آدمك فراتقان ايله مكتوب كونده روب و بعض اغر خبری دخی اصميرليوب مملكتكره دشمن مستولی اولوب الان حبسه ايدو ككزی اعلام ايدوب خلاصكر خصوصنده بو جانبدن عنایت مدد استدعا ايلمشسز هر نكه ديمش ايسه كر بنوم پایه سير عالم مصيرمه عرض اولنوب على سبيل التفصيل علم شريفم محيط اولوب تمام معلوم

اولدی امدی پادشاهلر صنمق و حبس اولملاق عجب دکلدر. کوکلوکری خوش طوتوب آزرده خاطر اولمیه سز اولیه اولسه بزم آبی کرام واجداد عظامز نورالله مراقدهم دائماً دفع دشمن و فتح ممالک ایچون سفردن خالی اولیوب بز دخی آنلرک طریقه سالک اولوب هر زمانده مملکتلر وضعب و حصین قلعهلر فتح ایلوب کیجه و کوندوز آتمز اکرلش و قلیجمز قوشانلمشدر. حق سبحانه و تعالی خیرلر میسر ایلوب مشیت وارادتق نیه متعلق اولش ایسه وجوده کله باقی احوال و اخبار نه ایسه مذکور آدمکزدن استنطاق اولنوب معلومکدر اوله شویله بیله سز تحریراً فی اوائل شهر آخر الربیعین لسنة اثنتین وثلثین و تسعماء بمقام دارالسلطنة العلیه قسطنطنیه المحمیه المصریه.

ممالک عثمانیه ده امتیازات اجنبیه نک ایلک تللری قوران، برنجی قاپیتولاسیونی آلان صورت التجا و استمدادی تفصیل ایلدی کمز فرانسه قرالی برنجی فرانسوا و ویرنده شو مکتوبی اسطار ایدن سلیمان قانونیدر. سلیمان قانونینک مرحتندن چیقان مرض جسم عثمانی بی حالا کیرمکده در. واقعاشارل کن بزمده سرحد مزه قدر اراضیسی یایلمش بر دشمندی. فقط وقائع تاریخیه تدقیق اولنورسه فرانسوا ایله سلیمان قانونی آره سنده حصول بولان اتفاقدن استفاده نک هر ایکی طرفجه بر مرتبه ده اولمدیغی و بالعکس دولتمزک او زمانکی شکوه و سطوقی شارل کنلره قارشو متفق ایدیمک لزومی احساس ایدمک درجه لردن معلا اولمسنه مقابل اتفاق فرانسه نک جانی قورتارمشیدی.

فانده سی طرفینجه مساوی اولسه بیله اتفاق حقوق حکمرانیزی اخلال ایلین بر طاقم احکامی محتوی بولنان عهدنامه نک اعطاسنی اصلاً ایجاب ایتزدی. مرؤسه او درجه سی قابل تجویز دکلدر. اما بز ایلک قاپیتولاسیونک لطف و مرؤت محصولی اولمسندن زیاده مداهنجه نوازشلره مستغرق ایدیلان غرور مزدن و برده حقوق و وظائف دولیه بی بیله مملکت کمزدن، بصیرت سز لکمزدن نشأت ایلش اولدیغنی کوریسورز. بحثنده بولندیمز دور، تعصب دینی ایله متمیز اولوب مسلمانلر ایله عیسویلرک دکل بر مقصد سیاسی اوغورنده اتفاق

و اتحادیه ، علی العاده حسن مناسباته ببله خلق طرفه شدن یان کوزله باقیلیرکن
برنجی فرانسوانک حرکتی فرانسزلر داخل اولدینی حالده اورویا ملل عیسویه سنک
مظهر تصویبی اوله مازدی ونه کیم اولمدی . زمانک احوالی ایجابجه برنجی فرانسوانک
جسارتی شایان حیرتدر . حیرتی موجب اولان برجهت دخی اشبو قایتولاسیونک
یالکز فرانسیه منافع بخش و تأمین ایدرک بزجه عوض و مقابل اوله ببله جک
هیچ برشینک مشروط بولنماسیدر . اندازه سز مرؤتک شوندن فضله سنی آریانلر
بیهوده یورولورلر .

قایتولاسیون دیوب کچوروز . بونی بیلمیانلر وار . قایتولاسیون نه دیمکدر ؟
بر قوماندان مدافعه ایلدیکی موقعی وامری آلتنده اولان عسکری دشمنه تسلیم
ایلدیکی وقت تسلیم شرائطی حاوی بر سند یابیلیرکه بوکا « قایتولاسیون » دیرلر .
بو معنا توسیع و تشمیل اولنه رق تفرقه یه اوغرامش اولان ایکی طرف آره سنده
حاصل اولان ایستلافده « قایتولاسیون » دینور . تاریخک الدینی معناده قایتولاسیون ،
بردولتک تبعه سنک دیگر بردولت مالککنده حقوقی و بالخاصه اسویمچره عسکرینک
خدمتمنده بولندقلری حکومتله مناسباتی (وقتیه) تعیین و تنظیم ایدن مقاوله یه
اطلاق اولنور و بو ایکنجی معناده « قایتولا » دخی دینیردی . حقوق دول
اصطلاحلارندن اولاق حیثیتیه معناسنه کلنجه لاینجهنک « قایتولاسیو » کله سندن
مشتق اولان « قایتولاسیون » فصول و ابواب ویا ماده لری (قایتولا) شامل اولان
بر تحریرات ویا سند معناسنده در . شارلمان زمانسده نشر اولسان امرنامه لره
« قایتولاریا » دیرلردی ؛ مجموعه احکام دیمکدر . بزده قایتولاسیونلر معاهده دن
زیاده فرمانه بکزر ، او وادیده یازیلیر و متقابل احکامی احتوا ایتزدی . دولت
اجنیلرله معاهده عقد ایتز ، مصالح تبعه یه متعلق تعهدات قطعیه آلتنه کیرمکی
ایستمزدی . امتیازات اجنبیه یی ویرن سلطانلر مزک فکرنجیه قایتولاسیونلر
هر نه وقت ایستیرسه استرداد و لغو اولنه بیلیردی . اون سکرنجی عصره قدر
بو یولده معاهده یاپلمدی و فرمان شکننده اولان بو وئاقه « قایتولاسیون » دینلدی .

و یردیکمز اشبو معلومات بمحله ایله قایدتولاسیونلر تاریخچه سنی یامش اولدق.
مقاله آتیه مزده فرانسه قایدتولاسیونلرندن بحث ایده جکر .

ابن الضیا

اورمانلر من

اورمانلر بر مملکتک مابه الحیات و ثروتیدر. اورمانلر یاغمو رلرک جلبنه ،
هوانک جیادته خادم و انهارک طغیانسه مانع اولدقلری ایچون مدنی مملکتلرده
اورمانلرک محافظه سنه یک زیاده اعتنا اولنور. بزم کی زراعی بر مملکته اورمانلرک
نه درجه ده فواید بخش اوله جقلری وارسته ایضاح بولمغله حسن محافظه و اداره لرینه
بغایت اعتنا ایدلک الزمدر.

شمدی به قدر مملکت مزده قطعیات اجرا اولنان محللر بر دانه جک فدان
قلمنیجه به قدر سیلوب سوپورلمش ، چیبلاق قالان حوالی جوارنده کی کوبیلر
زراعته رغبت ایتمکله باشلامش و بر مدتده کیسلان اورمانلرک قابوقلرینی درج
ایتمک واسکله ره نقل ایتمکله تأمین معیشت ایتمش لر سه ده بو واسطه معیشت یک چوق
سورمدیکی کبی اورمانلرک بو صورته محوی یوزندن او مملکته عارض اولان
یاغمو ر سزاق بلیه سیله نهایت الامر زراعتدن بستیون فارغ اولمش لدردر. کوبیلر
بو یاغمو ر سزقلک اسبابی بالطبع ادراک و تقدیر ایده مامشدر .

مملکت مزده اورمان قطعیاتنه کلنجه بو بایده اوراق اوزرنده کوریلان اصول
یک آز نواقصیله برابر شایان تقدیر و فقط تعقیقات و اجراءات بستیون بشقه در.
مثلا بر اورمانک قطعیاتی ایچون ملزم کوزینه کسیدردیکی بر اورمان ایچون محلی
اورمان اداره سنه مراجعت ایدرک «فلان یرده کی اورمانی مزایده به قویکتر آلق
ارزوسنده یم» دیر و بر استدعا ویرر. مأمورک ایشی یک چوقدر طالب او اورمانه
کیدوب مزایده قائمه سنی تنظیم ایتمسی ایچون کل یوم مراجعت ایدر طورر. مأمور
هپ کثرت مشاغلدن طولانی کیده مز. نهایت چوق (۱) اولان ایشی بستر، اورمانه